

Da las refurmaz s a la Revoluziun franzosa

«Funtaunas – istorgia da la litteratura rumantscha», tom 2

Dad eresias ed apologias (1612–1700)

Il Scumbigls grischuns e las tensiuns politicas e confessiunalas: Il cumbat per l'egemonia en l'Europa dat pli che mai grond'importanza als pass grischuns ed a la Vuclina. Da queste interess esters nascyan ils Scumbigls grischuns cun cumbats politics e confessiunals. Quels influenzesch an la cultura e litteratura rumantscha.

Gion Antoni Calvenzano e la «Bref apologetica» da Frideric à Salis: La corrispondenza (per gronda part latina) enturn il convertit Frideric à Salis provochescha la discussiun davart la confessiun. 1609: Frideric à Salis, «Epistola apologetica», latin; 1612: Gion Antoni Calvenzano, «Bref apologetica» (translaziun da F. à Salis); 1614: Gian Peidar Schalchett, «Reputatio», e 1616 «Binae Epistolae» da F. à Salis (latin); 1617: Steffan Gabriel, «Storgae Salicae», corrispondenza cun Frideric à Salis da 1593–1612 (latin).

Adam Mauli e l'«Anatomia dil sulaz»; Steffan Gabriel e «Ünna stadera»: En consequenza da la politica e da las dretgiras nauschas daventa la discussiun tranter las confessiun polemica e cumbattanta. 1618: Adam Nauli, «Anatomia dil sulaz dil Steffan Gabriel», adressedada als «Ministers della Treis Leias»;

1625: Steffan Gabriel, «Ünna stadera da pasar qual seig la vera Cadianscha».

Ina disputaziun: In ulteriur text apologetic è la «Disputatiun», ina scena dramatica tranter quatter persunas, duas papistas e duas evangelicas, davant vuts e statuas sco er davant la veneraziun dals sontgs. Quest text ladin è integrà sco postludi ad «Unna saenchia et bella Historiografia dalls trais Iuvans», in drama religiosa.

Il pled da Dieu (1560–1720)

Las Biblas reformadas – puter: 1560: Jachiam Bifrun, «L'g Nuof Sainc Testamaint»; 1607: ina seconda ediziun dal Nov Testament da ses biadi Lüci Papa; 1613: Lüci Papa, «La sabgienscha da Je-su filg da Sirach...»; 1640: Joann Lucius Gritt, «L'nouf S. Testamaint».

Las Biblas reformadas – vallader: 1562: Durich Chiampel, «Un cedesch da Psalms»; 1657: Joan Pitschen Salutz, «Da la S. Bibla il prum cudasch dals Songk Profeed Moisis, nominad Genesis»; 1662: Joan Pitschen Salutz, «Da la S.Bibla il secund cudasch, dals S. Profeed Moysis, nominad Exodus»; 1666: Nicolo A. Vulpius et Jacobus A. Vulpius, «Biblia pitschna, Quai ais ils Psalms tots CL...» (psalms e chanzuns), 1679: Jacobus A. Vulpius et Jacobus Dorta, «La sacra Bibla; quai ais tuot la Sancta Scrittura, ...» (Bibla da Scuol).

Las Biblas reformadas – sursilvan: 1611: Steffan Gabriel, «Ilg Vér Sulaz da pievel giuvan»; 1648: Luci Gabriel, «Ilg Nief Testament da Niess Senger Jesu Christ»; 1717–1719: «La S. Bibla. Quei ei: tut la



II Nov Testament da Jachiam Bifrun (1560).

Soinchia Scartira, ... tras Anchins Surviens d'il Plaid da Deus...». *Il pled da Dieu da vart catolica:* Balzer Alig (1625–1677), plevon da Vrin, edescha il 1672 «La Passiun de nies Segner Jesu Christi pridora dels quatter evangelischs à mess giu ent ramonsch della part sura tras... Balzer Alig» ed il 1674 «Epistles ad Evangelis sin tuttas domeingias, a firus, a gis de la quareisma, cun la Passiun de N.S.I Christi. Mess giu ent Ramonsch della Liga Grischa, tras igl S.R. Balthasar Alig Spiritual de Wrin.»

Il spievel da vita cristiana (1660–1710)

«Spieghel de devotiu» e «La glisch sin il chandalier invitada» da Pader Zacharias da Salò: Pader Zacharias da Salò (1615–1705), chaputschin talian, passenta ina gronda part da sia vita a Cumbel, emprenda rumantscha da la bucca dal pievel e davent la emprim autur rumantsch pli grond da la Surselva cun las suandantas ovras: 1663: «Doctrina christiana», Brescia; 1665: «Spieghel de devotiu di viis enten siis partz», Verona; 1685–87: «La glisch sin il candelier invitada», Cumbel; 1685: «Canzuns devotiusas da cantar enten baselgia sin las fiastas, a firus de gl'on», Cumbel; 1695: «Devociunas chanzuns, psalmi, et hymnis, per las vespras», Bonaduz.

Il «Speculum Christianum» da Johan Jüst Ander e la «Praxis pietatis»: Era da vart evangelica en vegnidas publitgadas differentas scrittiras per ina vita cristiana. Las principalas èn las suandantas: Johan Jüst Ander cun il «Speculum Christianum», il 1681; Lurainz Wietzel cun «La Praticca da Pietæta», il 1668, tuttas duas ovras

en ladin. En Surselva translatescha Christian Gaudents la medema ovra sco Wietzel en sursilvan e edescha il 1670 cun il titel «Praxis pietatis». *Conradin Riola e sia «Trommetta spiritualia»:* La lavur fadiusa e las pregias lungas faschevan, sco ch'i para, cupidar e perfir runtgir insaquantas personas en baselgia. Encunter tals putgants cumbatta Conratin Riola (1670–1740) cun si'ovra originala «Trommetta spiritualia», 1709. Plinavant è el era il translatur dal grond «Martyrologium» dal 1718.

Il baroc en terra rumantscha (1650–1750)

Il baroc, en il Grischun dal 1600 fin il 1750, croda en si'emprema fasa en il temp dals Scumbigls grischuns. Il carstgaun baroc tschertga il «kunst» da bain viver, e na lascha betg or da «mira» l'art da bain murir. La litteratura edifitganta al mussa la via tranter Dieu ed il diavel. Il carstgaun tschertga la cumpagnia, gaudiua la cuminanza e chanta en quatter lingus. Chanzuns, passiuns e dretgiras nauschas, processiuns ed usits enrigeschian la vita culturala sco anc mai. «Ventiraivlamain viver e beadameng murir»: Fomazs, guerras e murias confruntavan il carstgaun cun il viver e murir, cun la vita e cun qui che vegn suenter. Ina ritga litteratura edifitganta ha preschentà al pievel la vita e mort da Cristus ed al regurdà er a l'atagna vita e mort. Las ovras las pli marcantas da quella litteratura da tuttas duas confessiuns èn las suandantas: P. Carli Decurtins, «La mira de bein morir» (1691, 1704...); Christian Caminada, «Un Mussament davant la praeparatiun tiers la mort, (il kunst beadameng da morir» (1690); Gion Christ Caduff, «Testamen dell'olma ù Kunst da ventireivlameing viver, a beadameing murir...» (1705, 1745, 1755 ... 1842); Avat Adalbert III de Funs, «Sagira via tier il parvis enten stand de sanadat, de malsongia e de malmort suenter il exempl dil Jesus vid la crusch morient» (amplifitgà, redigi e stampà 35 onns suenter sia mort, 1751).

Las «Passiuns»: Las representaziuns da la mort da Cristus èn stadas derasadas en l'entir territori rumantsch. Remartgas davant Passiuns datti era da l'Engiadina. Texts da Passiuns èn avant maun oz ilsuandants: Passiun da Savognin, in fragment dal 1741; Passiun da Lumbrein tenor ils 4 evangelis, texts dal 1862 e dal 1882; Passiun da Sumvitg, in drama d'in

process cunter Cristus tenor il dretg da la terra, represchentada a Sumvitg il 1801.

Las «Dretgiras nauscha»: En la democrazia grischuna era il derschar e tegnair dretgira chaussa publica e consequentiamain bain enconschenta. Ils Rumantschs han adina puspe documentà in'inclinaziun per dumondas da dretg. Quai mussan las ritgas funtaunas da dretg, ma era ils sieus da dretgira sco la «Dertgira nauscha» da Rueun 1764, da Sumvitg 1772 e da Breil 1795.

La chanzun spirituala (1562–1800)

La chanzun spirituala reformada en Engiadina: 1562: Durich Chiampel, «Un cedesch da Psalms» (1562, 1606); 1661: Lurainz Wietzel, «Ils Psalms da David» (1661, 1733, 1776, la davos ediziun cun notas e melodias per 4 vusches); 1684: Johannes Martinus, «Philomela» (1684, 1702, 1751, 1797); 1765: Giovanni Battista Frizzoni: «Canzuns spirituales das vart Cristo Gesu» (1865, 1840).

La chanzun spirituala reformada en Surselva: 1611: Steffan Gabriel, «Ilg Vér Sulaz da pievel giuvan» (1611, 1625, 1649, 1683, 1740, 1768); 1749: Conratin Riola, «Musica spirituala da l'Olma» (1749, 1782); 1756: Conratin Riola, «Il part da la Mus. Spirituala...» e «Canzuns spiritualas...» (cun notas); 1784: Mattli Conrad, «Novas chanzuns spiritualas» (1784, 1825, 1830).

La chanzun spirituala catolica: 1674: Balzer Alig, «Enzacontas canzuns spiritualas sin las principales fiesta[s]»; 1685: P. Zucharas da Salò, «Canzuns devotiusas da cantar enten baselgia sin las fiastas, a firus de gl'on»; 1690: P. Carli Decurtins, «Consolaziun della Olma Devoziusa» (1690, 1702, 1703, 1731, 1749, 1796, 1831, 1856, 1941 – l'emprima cun notas –, 1945); 1695: P. Zucharas da Salò, «Devociusas chanzuns, psalmi, et hymnis, per las vespras».

Il «Saut dals morts»: Il «Saut dals morts» è sa sviluppà o da la confruntaziun dal carstgaun cun la mort, e quai sco pictura murala (Dürer, Holbein) e sco dramatisaziun chantada. Jan Polin Jecklin copiescha sco scolar in tal giue en ladin (1605). Johann Moeli, in plevon, edescha in «Saltar d'ils morts» en sursilvan il 1680. Johannes Martinus translatescha il giue sursilvan en ladin il 1724.

Da la litteratura spirituala e practica ad ina litteratura poetica (1700–1800)

En il 16avel 17avel tschientaner è la litteratura rumantscha prevalentamain spirituala: religiosa, apologetica e moral. Sporadicamain s'occupa ella cun la vita e cun il mund secular. Adina pli frequenta daventa era ina lectura poetica translata da. *Viadis per il mund:* Jacob Bundi, «Il viadi a Jerusalem», 1591/92, translatà da frater Antoni Soliva il 1703; Casper Collemburg, «Viadi, che jau, G.C. Collemburg vai faig il onn 1765. En l'isla de Frontscha» (Madagascar); Gion Paul Tommasch, «Ina cuorta Descriptiun dil Viadi» (cunter ils Franzos en Egipta, 1800).

Furmazs da dretg e lur execuziun: Da la disa e da l'isanza nascha il dretg oral e pli tard quel scribt per latin e per tudestg fin enturn il 1550. Da quel temp cumparan las furmas da dretg scrittas per rumantsch en Engiadina. En Surselva èn documentadas furmas da dretg rumantschas pir en il 17avel tschientaner. 1659: «Fuorma da menar il dreitg ... Comin da lomnezia», suandada dals auters cumins da las valladas renanas; 1797: Duitg Balletta da Breil relata davant l'execuziun dal dretg. *La tgira dal corp e cedesches da medischina:* Il quità per il bainstar corporal sa manifestescha en l'existenza da medis ambulants ed en differentas scrittiras da medischina, derasadas en manuscrits en las cuntradas rumantschas per rumantsch. Exempels: «Cudisch da medischinas» en la clausura da Mustér, probabel da frater

Antoni Soliva (1671–1740); «Cudesch da maschdinas», copià da Curadin e Clo Stupaun, 1747.

Il svilup dal drama en l'Engiadina: Jan Peerin, «Histoargia davart Saenchia Cicilia», 1644; Fadrich Wietzel, «Tragicomedia hagida in Zuotz ano 1673» e «Resolutiun et grand Constantia da duos Femnas», 1674.

Il svilup dal drama en Surselva: Maurus Wenzin (?), «Treis ga perfeit S. Plazi», 1744; Meinrad Moos (?), «Comediaetta ... Gion Guarinus igl penitent pucont», 18avel tschientaner; N.N., drama da s. Gieri, 18avel tschientaner, imitaziun da «Leben und Tod des ... Ritter Georgius».

Vers la prosa bella en Surselva: «Historia da Barlaam et Giosafat»; «Della Beada vetta e beada mortt digl venerabel soing Alexius» (Crist. Antoni Caduff, 1781); «La Veta da Soingtia Genoveva» (Gion Antoni de Canthieni); «Ina Bialla Historia de Lionnora» (1784); «Ina historia de ina inozenta ... Grova» (Durisch Capaul, ca. 1750).

Vers la prosa bella en Engiadina: «L'istoria dall chavalier Peter et da la bella Maggionella»; «Una bella Historia da Alexander lg Piscan» (John H. Zodrell, 1746); «Alchiünas bellas et nüzaivlas histoarijas».

A la sava d'in temp nov (1750–1815)

In temp e spiert nov s'annunzia: Las ideas da l'illuminissem che vegnan da la Frantscha mettan la paisa sin la sauna raschun e propagheschan il princip dal bun e dal nizzaivel. I vegn appellà d'observar il mund e far diever da l'intelletg, da crair al bun dal carstgaun e da scolar quel. Ina nova relaziun da l'uman cun la natura, la scienza, cun l'economia e la scolaziun maina ad ina nova cuminanza secularisata.

La raspada generala u la cumissiun dals stans dal 1794: La raspada generala dal 1794, cun la revolta ch'entschaiva en Lumnezia, daventa ina dretgira nauscha dals patriots cun ils aristocrats enturn Ulysses de Salis. I vegnan fixads il tudentg, il talian, il sursilvan ed il ladin sco lingus uffizialas ed instradadas novaziuns sin ils champs da la scola e da la construcziun da vias, per ils paupers ed a favur d'na regenza centrala.

Profets dal temp nov: Tar quels tutgan ser Mattli Conrad (1745–1832) e sia finima dal bainstar general; pader Placi a Spescha (1751–1833) cun sias ideas davant ina lingua dals scienciads ed ina nazizun retorumantscha; president Georg Anton Vieli (1745–1830), in chantadur e proposit polit.

Ils amis da la tradiziun

Tar quels sa tracti d'auturs chestattan trantur dus temps. D'na vart èn els ferm ragischads en la tradiziun ed oravant tut en las furmas politicas e socialas da las Trais Lias, da l'autra vart enconschan els las ideas da l'illuminissem e san ch'il temp nov pretenda midadas. Dus enconschents amis da la tradiziun èn Theodor de Castelberg (1748–1818), landrechter, oratur ed autur dramatic e Peder Anton de Latour (1778–1864), politicher, translatur da dramas e poet politic. Da la medema tempora èn ils dus cudeschs da sieus da Trun che cuntégan translatiuns da plirs dramas talians e tudestgs (ch'en per part vegnidis edids en las Anulas).

La preschentaziun:

Gion Deplazes: Funtaunas. Istorgia da la litteratura rumantscha per scola e pievel. Tom 2: Da las refurmaz s a la revoluziun franzosa. Cuira 1988.

Dapli infurmaziuns:

chatta.ch/?id=1337&chiid=1222
www.chatta.ch



Charta da Madagascar dal 1765 – l'onn che Casper Collemburg l'ha visità e descrit.